

大德重校聖濟總錄卷第一百七十九

小兒門

小兒下痢煩渴

小兒胃風腹脹泄痢

小兒洞泄注下

小兒下痢後脫肛

小兒諸淋

小兒小便不通

小兒大便不通

小兒諸蟲

小兒盜汗

小兒吐血

小兒鼻衄



小兒下痢煩渴

論曰小兒腸胃虛弱水穀不分冷熱相交赤白相雜痢久不差則津液少而內煩虛陽上燥於胸膈故引飲而渴小便利者為欲愈小便不利者則濕歸胃土土氣衰弱不能制濕散溢皮膚而為胗腫久變水病

治小兒下痢兼渴不止黃芩飲方

黃芩

去黑心

栝樓根

黃連

去須各參分

烏梅肉

壹分焙

訶梨勒

煨去核

檮皮

各半兩

當歸

切焙參分

右七味麤搗篩每一錢匕水一小盞煎至五分去滓

分溫徐徐令服更看兒大小以意加減

治小兒痢瀉不止甘草飲方

甘草多壹分

烏梅肉焙壹分

訶梨勒煨壹分 參枚

右三味麤搗篩每一錢匕水一小盞入生薑二片棗

一枚擘破同煎至五分去滓徐徐溫服隨兒大小以

意增減

治小兒下痢虛熱煩渴知母飲方

知母焙半兩

栝樓根

黃連去須

麥門冬去心焙各參分糯米炒半合

蘆根剉半兩

右六味麤搗篩每服一錢匕水六分煎至四分去滓

溫服量兒大小加減

治小兒下痢兼渴不止烏梅飲方

烏梅去核焙參枚

白茯苓去黑皮

乾木瓜各壹兩

右三味麤搗篩每服一錢匕水六分煎四分去滓溫

服量兒大小增減服

治小兒下痢不止煩渴引飲栝樓湯方

栝樓根壹兩半剉

冬瓜絞汁

白茯苓去黑皮

麥門冬去心焙

知母壹兩

粟米壹合

右六味除冬瓜外麤搗篩一二歲兒每服一錢匕水

六分煎至四分去滓入冬瓜汁半合若渴即徐徐飲

服隨兒大小以意加減

治小兒熱痢煩渴芍根飲方

芍根

龍骨

白茯苓

去黑皮各參分

人參

麥門冬

去心焙參分

厚朴

去麩皮生薑汁炙帶分

右六味麤搗篩每一錢匕水一盞煎至七分去滓分

作二服令溫徐徐服量兒大小以意增減

治小兒下痢兼渴檉皮散方

檉皮

栝樓根

白茯苓

去黑皮各參分

人參

右四味搗羅爲散每服半錢匕粟米飲調下徐徐令

服隨兒大小增減

治小兒下痢渴不徹腹脹不能食訶梨勒煮湯方

訶梨勒

煨去核青兩半桑葉兩半切

右二味咬咀如麻豆每服一錢匕水一小盞煎至五

分去滓分溫徐徐服量兒大小以意增減

治小兒疳痢不知行數手足逆冷或下鮮血渴不止龍

膽丸方

龍膽

地龍糞

烏梅

去核炒

龍骨

黃連

右五味搗羅爲末鍊蜜爲丸如麻子大一三歲每服

三九三五歲兒五丸並用新汲水下食後服日三隨
兒大小以意增減

治小兒久痢煩渴黃耆湯方

黃耆剉

人參各壹兩

右二味麤搗篩一二歲兒每一錢匕水一小盞煎至
五分去滓分溫二服空心午後各一服隨兒大小以

意加減

治小兒久痢及腹痛兼渴人參湯方

人參

桔梗炒各半兩

當歸切分

烏梅去核焙

艾葉散

黃耆剉各半兩

右六味麤搗篩一二歲兒每一錢匕水半盞入生薑

二片同煎至三分去滓分溫三服空心午後各一服

更隨兒大小以意增減

治小兒但渴多熱痢不止黑豆飲方

黑豆

炒令微熟半合

甘草炙剉碎半兩

右二味一處用水二盞同煎至一盞去滓分溫五服

徐徐飲之

治小兒夏秋患痢後渴不止變作疳人參飲方

人參

龍骨

地龍糞各半兩

烏梅柴枝炒乾

右四味麤搗篩一二歲每服半錢匕水七分一盞煎至四分去滓分爲二服空心午後各一服更隨兒大小以意增減

治小兒大熱痢兼渴增損黃蘗湯方

黃蘗去麤皮

黃芩去黑心

枳殼去麤皮

石膏先搗羅爲末壹兩

枳葉

人參各半兩

右七味判如麻豆一歲兒每一錢匕水七分一盞煎至四分去滓分溫二服空心午後各一服量兒大小加減服之

治小兒有熱不調渴痢不止栝樓湯方

栝樓根剉壹兩

知母焙分

赤茯苓去黑皮

黃芩去黑心

甘草炙半兩

人參各半兩

黃蘗去麤皮

右七味麤搗篩一二歲兒每一錢匕水七分煎至四分去滓分溫二服空心午後各一服量兒大小加減服

治小兒渴痢黃耆飲方

黃耆剉

白茯苓去黑皮

麥門冬去心

黃芩去黑心

高良薑炮壹分

烏梅肉去核

白朮剉半兩

右七味麤搗篩每服二錢匕水八分一盞煎去滓取

三分空腹溫服

治小兒渴痢不止壯熱黃連湯方

黃連去須

犀角屑

甘草炙

阿膠炙令燥各半兩

烏梅貳枚擘去核

藍葉壹分

黃芩去黑心參分

右七味麤搗篩每服三錢匕水一盞煎去滓取三分

空腹溫服

治小兒下痢煩渴肘腫桃皮湯方

白桃皮

黃連去須炒

龍骨各壹兩

丁香壹拾肆粒

右四味麤搗篩每三錢匕水一盞半煎至八分去滓

分溫三服

小兒胃風腹脹泄痢

論曰小兒肌膚腸胃脆弱若解脫不時風邪易侵客於

肌肉搏於胃經則為胃風其狀腹善滿食寒則泄診形

瘦而腹大蓋足陽明胃之經其支者起胃下口循腹裏

卜至氣衝故風冷入中則腹善脹大又胃為水穀之海

得寒則食物不化氣血虧損故泄痢而形瘦也

治小兒胃風泄痢腹脹腸鳴胃風湯方

人參

白茯苓去黑皮

芎藭

桂去麤皮

當歸焙

白芍藥

白朮各壹兩

右七味麤搗篩每服一錢匕水七分盞入粟米半匙

煎取三分去滓溫服空心食前日二更量兒大小加

減

治小兒胃風腹脹下痢黃者湯方

黃耆剉

芎藭

乾薑炮

人參

黃芩去黑心

當歸切焙

甘草炙銼各半兩

桂去麤皮壹分

右八味麤搗篩每服一錢匕以水七分煎取四分去

滓溫服量兒大小增減

治小兒腸胃怯弱風冷人乘泄瀉飲食全少漸至羸瘦

木香湯方

木香

白朮

乾薑炮裂剉各壹分

厚朴

去麤皮塗生薑汁炙令香熟

龍骨

當歸

訶梨勒煨用皮各半兩

右七味麤搗篩每一錢匕以水七分入棗二枚擘破

同煎至四分去滓食前量兒大小分減溫服

治小兒胃風泄瀉兩脇虛脹腹痛不欲飲食訶梨勒散

方

訶梨勒煨用 厚朴去蘊皮塗生薑汁炙令香熟

枳殼麩炒微 當歸剉微 赤芍藥各等分

右五味搗羅爲散每服半錢匕米飲調下日三更量

小兒大小加減服之

治小兒胃風腹脹得冷則泄痢訶梨勒湯方

訶梨勒煨用 當歸剉微 黃連去須剉微炒各壹兩

甘草炙剉 木香 乾薑炮裂各半兩

右六味搗搗篩每一錢匕以水七分煎至四分去滓

放溫不計時候量兒大小分減服之

治小兒腸胃風冷泄痢水穀腹脇脹滿不欲飲厚朴散

方

厚朴去蘊皮塗生薑汁炙令香熟 黃連去須微炒各半兩

丁香 肉豆蔻去殼 當歸剉微

木香 龍骨 白朮各壹分

右八味搗羅爲散每服半錢匕以粥飲調下食前服

日三量兒大小加減服之

治小兒胃風腹脹泄痢脾胃氣不和羸瘦食少厚朴散

方

厚朴去麤皮塗生薑汁炙令香熟

人參各參分

肉豆蔻去殼

乾薑炮裂剉

訶梨勒皮煨用

白朮

黃連去須微炒

地榆微炙剉

甘草炙微赤

右九味搗羅為散每服以粥飲調下半錢匕食前

三四服量兒大小以意加減

湯方

治小兒胃風下痢水穀不止羸瘦腹脹不欲飲食調中

厚朴去麤皮塗生薑汁炙令香熟

黃連去須微炒

木香半兩

右三味麤搗篩每一錢匕水七分煎至四分去滓不

計時候量兒大小分減服之

治小兒胃風泄痢不止腹脹羸瘦白朮湯方

白朮分

赤茯苓去黑皮

人參各壹兩

當歸切焙

厚朴去麤皮塗生薑汁炙令香熟

右五味麤搗篩每服一錢匕水半盞入生薑二片煎

至三分去滓帶熱服至夜三四服隨兒大小以意增

減

小兒洞泄注下

論曰小兒下利不止食已即泄名為洞泄注下此由風

邪客於腸胃所致蓋方春之時爲風冷所傷藏在肌肉
至長夏陰氣方盛或因飲食居處不慎復被風冷入於
腸胃其病下利冷盛則重故爲洞泄注下俗謂之水穀
痢是也病本於風若甚則變胃風證

治小兒洞泄不止草豆蔻湯方

草豆蔻貳枚
去皮 高良薑

人參

甘草

乾木瓜剉各
壹分

白茯苓去黑
皮

桔梗炒各
半兩

右七味麤搗篩每一錢半水七分生薑二片同煎至

四分去滓分溫三服乳食前各一更量兒大小加減

治小兒風冷乘虛入客腸胃水穀不化泄瀉注下腹脹
虛滿腸鳴疴痛胃風湯方

人參

白茯苓去黑
皮

芍藥

桂去麤
皮

當歸切
焙

白芍藥

白朮各壹
兩

右七味麤搗篩每服一錢匕水半盞入粟米少許同
煎至三分去滓空心食前熱服更量兒大小加減

治小兒洞泄注下水穀不分梁米湯方

梁米

稻米

黍米各壹
分

蠟如干
彈丸

右四味以東流水二升煮粳米三沸去滓留汁煮稻
米三沸去滓復以汁煮黍米三沸去滓置蠟於汁中
和之候蠟消放溫每以半合分爲二服空心午後各
一更量兒人小加減

治小兒洞泄不調人參茯苓湯方

人參

赤茯苓去黑皮各壹兩半

枳殼去穢炒

甘草炙各壹兩

黃芩去黑心貳兩

檉皮貳兩半梁州者佳

右六味麝搗篩一二歲兒每一錢匕水五分盞煎至
三分去滓分溫二服空心午後各一兒大者稍增之

治小兒洞痢晝夜不止乾薑丸方

乾薑炮

人參

黃芩去黑心各半兩

右三味搗羅爲末鍊蜜丸如菟豆大每服三九米飲
下空心日午夜臥各一更量兒大小加減

治小兒泄瀉不止厚朴湯方

厚朴

去蟲皮生薑汁炙黃連去須各壹兩

右二味麝搗篩一二歲兒每一錢匕水七分盞入生
薑二片煎至四分去滓分溫二服空心午後各一更
量兒大小加減

治小兒春夏秋冬晨夕暴冷折其四肢熱不得泄發爲

壯熱冷氣入胃洞泄下痢或赤白頻數小腹痛脉洪
大或數者調中葛根湯方

葛根 剉

黃芩 去黑心

芍藥

白朮

棗本 去土

甘草 炙剉各壹分

赤茯苓

去黑皮半兩

大黃 剉炒壹兩

右八味麤搗篩一歲以下兒每一錢匕水七分盞煎

至四分去滓分溫三服食前日三更量兒大小增減

治小兒脾胃冷氣洞泄注下腹痛嘔逆腸鳴脹滿大便

青白大安丸方

木香

訶梨勒皮

人參

白茯苓

去黑皮各半兩

陳橘皮 湯浸去白焙

厚朴 去麤皮生薑汁炙

白朮

烏藥 各壹兩

右八味搗羅爲末鍊蜜丸如雞頭大每服一丸溫米

飲化下歲數小者半丸

治小兒洞泄心腹脹痛不思爛食和胃氣香橘丸方

陳橘皮

湯浸去白焙貳兩

丁香

訶梨勒皮

甘草 炙

青橘皮

湯浸去白焙各半兩

右五味搗羅爲末鍊蜜丸如梧桐子大每服一丸生

薑湯化下三歲以上二丸

治小兒洞泄不止草節丸方

無食子

肉豆蔻

去殼各

吳茱萸

湯洗焙乾炒

黃連

去須炒

乾薑

炮

訶梨勒

炮去核各壹錢

右六味搗羅為末湯浸蒸餅心和丸如菴豆大每服

五九草節湯下乳食前服更量兒大小加減

治小兒洞泄下痢壯熱兼渴增損黃芩湯方

黃芩

去黑心

枳殼

去穢炒

檉皮

剉

甘草

剉

黃蘗

去蘗皮炙

女萎

石膏

碎

栝樓根

剉

竹葉

剉各壹兩半

赤茯苓

去黑皮

壹兩參分

右一十味麤搗篩每一錢匕水七分煎至四分去滓

分溫二服空心晚後各一更量兒大小加減

治小兒腸胃虛寒洞泄下痢腹痛香連丸方

黃連

去須炒

半兩

乾薑

炮

吳茱萸

湯浸焙乾炒各壹分

肉豆蔻

去殼

壹枚

草豆蔻

去皮

右五味搗羅為末燒粟米飯和丸如菴豆大每服七

丸乳食前米飲下更量兒大小加減

治小兒泄痢不止進食和氣木香豆蔻丸方

木香

草豆蔻

去皮

檳榔

剉

陳橘皮

湯浸去白

壹兩

青橘皮

湯浸去白

壹兩

京三稜

煨搗碎

兩

肉豆蔻

去殼

壹枚

右七味搗羅爲末麩糊丸如小豆大每服五丸至七丸棗湯下更量兒大小加減

治小兒洞泄不止豆蔻丸方

草豆蔻

參攷
去皮

烏頭

參攷
浸少時炒

益智皮

青橘皮

湯浸去白
焙各壹分

右四味搗羅爲末生薑汁煮麩糊丸如菜豆大每服七丸煎木瓜湯或生薑湯下乳食前服更量兒加減

治小兒洞泄日夜數十行附子丸方

附子

炮裂去皮
臍壹枚

訶梨勒皮

壹枚

白礬

參攷
今汁盡

甘草

炙半兩

右四味搗羅爲末飯丸如梧桐子大每服三丸至五

丸空腹米飲研下

治小兒洞泄白石脂丸方

白石脂

厚朴

去麩皮生薑汁炙

當歸

劉峙各壹兩

乾薑

赤石脂

訶梨勒皮

各壹分

陳橘皮

去白焙半兩

右七味搗羅爲末飯丸如梧桐子大每服五丸空腹

米飲下

治小兒忽洞泄不止黃連湯方

黃連

去須壹兩

右一味麤搗篩用漿水三盞煎至一盞去滓分溫四服空心食前一日服蒸更量兒大小加減

治小兒洞泄注下腹脹不思乳食訶梨勒丸方

訶梨勒皮

貳錢炮

青橘皮

去白焙

乾薑

各壹分炮

白豆蔻

去皮

烏頭

炮裂去

木香

草澄茄

各壹錢

右七味搗爲細末煮棗肉和丸如菉豆大每服七丸米飲下不拘時候量兒大小加減

治小兒暴冷洞泄注下或乳冷結不消或吐下嘔逆及赤白利下若中乳或乳母洗浴水氣未消飲兒爲霍亂

者大黃湯方

大黃

剉炒壹斤半

厚朴

去麤皮生薑汁炙

乾薑

炮

桂皮

去麤皮

甘草

炙各壹分

當歸

切焙

人參

白茯苓

去黑皮

白朮

各半兩

桔梗

微炒參分

右一十味麤搗篩一二百日兒每用一錢匕水半盞煎至三分去滓分溫三服二三歲兒每二錢匕水一盞煎至六分去滓分溫二服空心午後各一更量兒大小加減若已服諸利藥胃中虛冷大下如水乾嘔眼白者可去大黃

小兒下痢後脫肛

論曰肛門者大腸之候若小兒大腸虛冷久痢不已膿氣於下裏急後重或致用力則其氣下墜故令肛門脫出是爲下痢脫肛之病

治小兒腹中積冷脫肛疼痛不入鼈頭丸方

鼈頭丸

蝟皮炙焦各壹枚

磁石煨醋淬柒徧肆兩

右三味搗羅爲末鍊蜜丸如菘豆大每服五丸至七丸溫酒空腹下三歲以上稍增丸數

治小兒下痢久不差肛腸下脫方

大蜘蛛濕紙裏燒焦存性入麝香少許同研細先用

溫湯淋洗肛邊輒帛搵乾糝藥傅之立効

治小兒痢後腸頭脫出蚘蛇膽丸方

蚘蛇膽

去皮湯浸換壹枚

烏梅焙乾柒枚

蕪蕪人

研

黃連去須各壹兩

右四味搗研三味爲細末以蚘蛇膽和搗如鞭更加

鍊蜜少許和丸如麻子大每服三丸至五丸米飲下

日三更量兒大小加減

治小兒脫肛黃連丸方

黃連

去須壹兩

黃蘗去須壹兩各半兩

右二味搗羅爲末鍊蜜和丸如麻子大每服五丸至

七丸早晚食前米飲下更量兒大小加減

治小兒因患瀉痢後脫肛不得收地龍散方

地龍炒 乾薑炮 常歸切

縮沙人各壹分

右四味搗羅為散每服半錢匕生蜜少許和熱酒調

下日三

治小兒脫肛先用洗藥蛇牀子散方

蛇牀子 藜蘆 槐白枝

苦參 蕪荑人 白礬各壹兩

右六味搗羅為散每用半兩水三升煎取一升密室

中洗肛門一日一度仍傳後方黃耆散

治小兒脫肛洗後黃耆散傳方

黃耆剉炒 附子去皮臍 桑黃蜜炙熟

白礬燒灰

右四味搗羅為散以新綿搵藥傳之更以手按入腸

頭

治小兒脫肛方

萹荇子炒 橡實伍枚 蔓陀羅壹枚

右三味搗羅為末乾糝在上以手按入續令嚏噴更不脫下

治小兒脫肛鼈頭散方

鼈頭

壹枚燒灰存性

芫荽子

炒分

右二味搗羅爲散先以新磚一片燒赤以醋半升澆之候冷熱得所卽糝華於磚上坐之三兩次卽差

治小兒久痢腸頭掇出黃連丸方

黃連

壹兩去須微炒

蚘蛇膽

兩

蕪荑

壹兩微炒

右三味搗羅爲末用軟飯和丸如棗日大每服以粥飲下五九日三四服量兒大小以意加減

小兒諸淋

論曰小兒諸淋者由腎虛而膀胱熱故也膀胱與腎爲表裏俱主水入小腸下於胞行於陰爲小便也腎氣通於陰津液下流之道也若乳食無節悲啼不恒虛實不調則腑藏不和致腎虛而膀胱熱也膀胱津液之府熱則津液內溢而水道不通水不止不下停積於胞腎虛則小便數膀胱熱則水下少數而且澁致淋瀝不宜故謂之淋又有熱淋血淋氣淋石淋寒淋三焦壅盛移熱於膀胱則溲便赤者爲熱淋熱甚而搏於血脉流入胞中溺血者爲血淋小腹滿澀澀有餘瀝者爲氣淋溺出沙石者爲石淋寒淋之病本於寒客下焦餘皆本於膀胱有熱令少腹急痛水道不利故數起而不能出也

治小兒淋或澀痛小便如血色桑白皮湯方

桑根白皮剉焙乾 山梔子人 蘆根剉

赤茯苓去黑皮 冬葵子 茅根剉

甘草炙各分 滑石研入半兩

右八味麤搗篩五六歲兒每服一錢匕水一小盞煎至五分去滓食前日三量兒大小以意加減

治小兒諸淋腹中妨悶石燕丸方

石燕子研 瞿麥穗 梔子人

滑石研 木通剉 葵子

海蛤研各半兩

右七味搗研為末鍊蜜丸如菘豆大每服七丸葱白

湯下日三量兒大小加減

治小兒淋或澀痛小便如血石草湯方

石草去毛 赤芍藥 大黃剉炒

滑石研 麥門冬去心焙 甘草炙

升麻各壹分

右七味麤搗篩每服一錢匕水一小盞煎至五分去滓食前服日三量兒大小加減

治諸淋澀心煩悶亂車前子湯方

車前子 石燕研 麥門冬去心焙各半兩

右三味麤搗篩每服一錢匕水一小盞煎至五分去滓不計時候溫服

治小兒淋兼石淋榆白皮湯方

榆白皮

焙

瞿麥穗

各壹兩半

右二味麤搗篩每一二歲兒每一錢匕水一小盞煎至五分去滓分溫二服空心日晚各一服隨兒大小加減

治小兒諸淋閉澀不通麥蕪湯方

小麥

合

葱白

兩莖切

右二味以水一盞煎至五分去滓不計時候溫服量

兒大小加減

治小兒諸淋葵子湯方

葵子

參分陳者

石葦

去毛參分

滑石

別研壹兩半

右三味麤搗篩五六歲兒每一錢匕水一小盞煎二枚同煎取五分去滓分溫二服早晚食前各一量兒大小加減

治小兒小便淋瀝或尿血滑石散方

滑石

研

車前子

各半兩

右二味搗羅爲散二三歲兒每服半錢匕空心粥飲調下近晚再服量兒大小以意加減

治小兒諸淋木通湯方

木通製

桑根白皮剉

滑石研

芒消

葵子陳者各

右五味蠶搏篩每服一錢匕水一小盞煎至五分去

滓溫服食前日三隨兒大小加減

治小兒淋蜂房散方

蜂房炙

亂髮各參

右二味同燒灰研令細每服半錢匕米飲調下日三

量兒大小以意加減

治小兒石淋氣淋桂心蜂房散方

桂去麤皮

蜂房炙半

右二味崑羅為散三四歲兒每服半錢匕煎小麥湯

或酒調服空心午時各一量兒大小加減銅器盛瀉

與石俱出

治小兒淋瞿麥丸方

瞿麥穗

龍膽

石韋去

桂去麤皮

皂莢炙去皮子

雞腸草

人參各壹

車前子壹兩

右八味崑羅為末鍊蜜丸如梧桐子大每服六丸至

十九空腹熱湯研下更量兒加減

小兒小便不通

論曰腎主水與膀胱合爲表裏膀胱者津液之府其氣下通故能滲泄而作小便或胞絡有熱津液內燥氣不宜暢故水道熱澀甚則不通

治小兒小便不通石韋湯方

石韋去毛

瞿麥各壹兩半

滑石壹兩

右三味麤搗篩五六歲兒每服一錢匕水八分入小麥一百粒同煎至五分去滓溫服如人行十里再服量兒大小以意加減

治小兒小便不通二三日闕絕者葵根湯方

葵根剉壹握

壁魚研柒枚

右以水一盞煎葵根取汁六分後入壁魚同煎五七沸放溫服量兒大小以意加減

治小兒小便淋閉不通神散方

石燕壹枚先爲細末再研石韋半兩

右二味爲細散每服一字匕煎三葉酸漿草湯調下甚者三服差一方有海金沙一兩

治小兒小便不通臍腹急痛冬葵子散方

冬葵子

滑石

海蛤

蒲黃各半兩

右四味搗羅為散每服以葱白湯調下半錢匕量兒大小以意加減

治小兒小便澀少妨悶不通葱白湯方

葱白貳莖

木通

冬葵子各半

兩

右三味剉如麻豆大以水二盞煎取一盞去滓量兒大小分減服之

治小兒小便淋澀不通及小便血滑石散方

滑石研

車前子各半

兩

右二味細搗羅為散如二三歲兒每服半錢匕空心食前粥飲調下日二服

治小兒小便不通欲死萬安散方

海金沙

滑石

續隨子各

半兩

螻蛄柒枚炒令黑

右四味搗羅為細散每服半錢匕煎燈心湯溫調下

空心食前服

治小兒熱極小便赤澀不通小便輒大啼呼疼痛木通

黃芩湯方

木通劉壹兩

黃芩貳兩去黑心

滑石壹兩半

冬葵子參分

車前子貳兩

赤茯苓去黑皮貳兩

右六味麤搗篩五六歲兒每服一錢匕以小一中盞

煎至五分去滓溫服如人行十里已來再服更看
兒大小以意加減

治小兒小便不通心悶瞿麥湯方

瞿麥

種

赤芍藥

陳橘皮

湯受去白焙

牽牛子

炒

木通

冬葵子

各壹分

右六味麤搗篩五六歲兒每服一錢匕水一中盞入
葱白一莖擘碎同煎至四分去滓溫服如人行十里
已來再服量兒大小以意加減

治小兒小便不通茯苓湯方

茯苓

去黑皮

冬葵子

木通

剉

車前子

各半兩

右四味麤搗篩五六歲兒每服一錢匕以水一中盞
煎至五分去滓溫服如人行十里已來再服量兒大
小以意加減

治小兒小便不通車前草湯方

車前草

剉

小麥

各壹兩

右二味用水二盞煎至一盞去滓下粳米少許又煮
至半盞三四歲兒為三服如人行一二里已來再服
量兒大小以意加減

治小兒小便不通熱發腹滿七物浴湯方

新金一百七十九

滑石兩貳

大黃兩貳

雷丸參拾枚

麻黃壹兩半

苦參壹兩

石膏兩半

秦皮壹兩

右七味麤搗篩以水七升煮取五升去滓溫浴兒避風處先從臍淋之

小兒大便不通

論曰水穀皆入於上焦至中焦而腐熟下焦而化出小兒府藏挾熱三焦壅滯津液枯少不能傳道實熱之氣歸於大腸故大便燥澀而不通也
治小兒大便不通大黃丸方

大黃兩壹分

枳殼壹分

梔子人

郁李人

妙去雙皮尖大麻人

研各參分

右五味搗研為末鍊蜜丸如麻子大一二歲兒每服五丸熟水下空心午後各一服更隨兒大小加減
治小兒大便不通滑石湯方

滑石兩

大黃兩

冬葵子

甘草各半兩

右四味麤搗篩三四歲兒每服一錢匕水一盞入燈心七莖同煎至五分去滓溫服更隨兒大小加減
治小兒大便不通橘皮湯方

陳橘皮

去白焙

牽牛子

炒

甘草

炙

大黃

剉炒各壹分

右四味麤搗篩五六歲兒每服一錢匕水一小盞入葱白一莖擘碎同煎至五分去滓溫服木通再服更

量兒大小加減

治小兒大便不通木通湯方

木通

剉

大黃

剉炒

陳橘皮

去白焙各壹兩

右三味麤搗篩三四歲兒每服一錢匕水一小盞煎至五分去滓溫服更量兒大小加減

治小兒大便不通妨悶丹參湯方

丹參

消石

碎

甘草

炙各壹兩

右三味麤搗篩五六歲兒每二錢匕水一盞漿二枚擘破同煎至七分去滓分溫二服更隨兒大小加減

治小兒大便不通橘皮湯方

陳橘皮

去白焙壹分

大黃

剉炒半兩

右二味麤搗篩三四歲兒每服一錢匕水一小盞煎至五分去滓溫服更量兒大小加減

治小兒大便不通調中二黃丸方

大黃

剉炒壹兩

牛黃

研

甘草

炙

人參

各壹分

右四味搗研為末鍊蜜丸如小菘豆大每服二九米飲化下日再服得利即止

治小兒風熱壅滯大便秘澀黃連丸方

黃連去須 大黃剉妙各壹分 巴豆多粒去皮膜皮出油研

右三味搗研為細末麩糊為丸如麻子大每服三九

至五九臨睡柳枝湯下

治小兒大便不通代赭丸方

代赭研 丹砂研 大黃剉妙各貳兩

木香 當歸焙各壹兩壹分 桂去麩皮壹兩

生犀角鎊叁分 巴豆炒熟去皮心搗爛壹兩半

右入味搗研為末鍊蜜丸如小豆大每服一九至二

丸空心米飲化下六七歲三九二百日兒半丸但得

溘利為度

治小兒大便不通不能飲食鼈甲丸方

鼈甲醋炙黃去襁襪 防葵 訶梨勒慢用皮

大黃剉 人參 當歸剉

郁李人湯浸去皮尖微炒別研入

右七味等分六味搗為細末人郁李人和勻鍊蜜丸

如菘豆大粥飲下五九微利即差

治小兒大便不通口燥煩赤牛黃散方

雜錄一

二十一

牛黃研壹分

大黃炒

甜消研各壹錢

甘草炙

人參各貳錢

右五味搗研為細散每服半錢匕新水調下乳食後服

小兒諸蟲

論曰小兒有九蟲一曰伏蟲長四分二曰長蟲一名虵蟲長一尺貫心則殺人三曰白蟲長一寸長至四五尺亦能殺人四曰肉蟲狀如爛杏令人煩滿五曰肺蟲狀如蠶令人欬嗽六曰胃蟲狀如蝦蟇令人嘔吐喜噦七曰腸蟲又名腸蟲令人多唾八曰赤蟲狀如生肉令人

腸鳴九曰噉蟲狀如蝸蟲令人下部中痒九蟲之中三蟲最甚而為病之尤者莫如虵皆由小兒氣血不調府藏虛弱或食生冷或嗜肥甘胃中氣緩故生諸蟲居腸胃之間多則為痔劇則為癩或因瘡瘍變成癰疽惡瘡又有寸白蟲者長一寸色白形小福因食生魚生脂冷物後飲乳致生此蟲損人精氣令人心腹痛若長及一尺亦能殺人凡此諸蟲品類不可悉數皆可通以化蟲藥治之欲知蟲證者凡腹痛之脈當沉弦若反洪大者虵也腑外垢聚甚者蟲也治小兒九蟲買衆丸方

雜錄一

二十一

總錄一百七十九

貫眾壹兩壹分 藟參兩去

蕪荑去肉

狼牙去胃蟲 雷丸壹兩半

蜀漆去麩

白殭蠶去弱 厚朴去麩皮生薑汁炙去肺蟲

石蜜去虻蟲各參分

右九味搗羅爲末鍊白蜜和丸如麻子大每服量兒大小加減四五歲以苦酒漿下五丸空腹服之以知爲度未知稍加至十丸

治小兒三蟲雷丸散方

雷丸微煨 芎藭各半

右二味搗羅爲散一二歲兒每服半錢匕五六歲兒

一錢匕用米飲調下空心服之日三

治小兒蟻蟲桃葉自然汁方

桃葉壹兩

右一味搗絞取汁空腹服半合

又方

苦楝根白皮半兩

右一味以水一盞煎至七分空腹溫服未差再服

又方

篇蓄壹兩

右一味搗絞取汁空腹服半合日再服

治小兒府藏虛弱或因食甘肥致蛻蟲動作攻心腹痛
痛有休止喜吐涎及清水此蟲質心者死診其病但腹
中痛者脉當沉若弦今反洪大卽是蛻蟲藿蘆湯方

藿蘆伍

黍米貳

右二味蟻搗篩以水五盞煮取二盞去滓每服半合
空心午後各一服隨兒大小以意加減

治小兒蛻蟲使君子散方

使君子

蘆會 研

乾棟皮

檳榔 剉

蕪荑 各壹

肉豆蔻 剉

丁香

苦參 各貳

膩粉 研少

右九味搗羅爲散每服一字匕空心飯飲調下

治小兒疳渴蟲動心痛萬安散方

蝦蟇

蛇蛻皮

蟬殼 各壹

右三味搗爲散用麝香半錢同研每服一字匕午時

溫水調下午後煎柳枝湯洗浴用青紗帛子蓋之卽

蟲自出而安

治小兒疳蟲痛取切勝金丸方

龍膽

定粉 研

黃連 去

烏梅肉 炒

右四味等分爲末鍊蜜丸如麻子大每服十九米泔

下

治小兒諸蟲但是疳蟲並瘰麝香散方

麝香研壹分

夜明砂壹兩

右二味研為散每服半錢匕葱白湯調下

治小兒虬動卒叫如心痛萬金散方

乾漆炒烟出壹兩

雄黃貳兩

右二味搗研為細散每服半錢匕油一點溫水調下

量兒大小以意加減

治小兒諸蟲定疼痛抵聖湯方

棟實大者貳兩

白蕪荑兩半

右二味麤搗篩每服一錢匕水一盞煎取四分去滓

放冷臨發時服

治小兒諸蟲心痛發歇無時止痛殺蟲鶴蝮散方

鶴虱炒黃

檳榔剉生用

胡粉炒黃

苦楝根皮剉各壹兩白礬燒過壹分

右五味搗羅三味為散入白礬胡粉同研勻細每服

米飲下一字匕

治小兒寸白蟲白蕪荑散方

白蕪荑壹兩半

狼牙草壹兩

白欬兩半

右三味搗羅為散每服一錢匕以苦酒二合空腹調

續金匱要略卷之二十一

下立差

又方

東行茱萸根皮兩

桃白皮參

右二味細剉以酒一升浸一宿去滓一二歲兒每服

半合三四歲兒一合空心午後各一服量兒大小以

意加減

治小兒疳虻動心痛面伏地臥口吐清水痰涎千金散

方

白檳榔剉壹錢

紫椽根剉

石榴根皮剉

鶴壘炒令出

盧會研各半兩

右五味搗研為散空心熱茶調下一錢匕更看兒大

小加減

治小兒蟲痛頻發面青嘔吐冷痰漸至肌瘦檳榔散方

檳榔剉壹枚

暖石榴皮剉

苦楝根剉

陳橘皮湯浸去白焙各壹分

右四味搗為散每服半錢匕米飲調下食前服

治小兒蟲痛不可忍化蟲散方

白丁香壹錢

檳榔剉壹枚

雷允壹錢

右三味搗為細散每服一字或半錢匕米飲調下妳

食後服

總錄一百七十九

三十三

治小兒諸蟲大啼時作心腹痛白鮮皮丸方

白鮮皮 苦楝根 鶴蝩炒

青橘皮湯浸去白 炒各半兩 定粉

石灰各壹分

右六味搗為細末麩糊和丸如菉豆大每服十九煎

使君子湯下不拘時

治小兒蟲動心腹痛滴金丸方

雄黃兩半 白礬參 麝香半錢

右三味細研為末粟米飯和丸如麻子大每服五丸

煎苦楝湯下

治小兒諸蟲心痛方

乾漆燒烟出 參分 雄黃兩半 麝香研壹錢匕

右三味搗研為散每服一錢匕煎苦楝湯調下不計

時候量兒大小加減

治小兒胃虛蟲動赤石脂丸方

赤石脂細研 貳錢 肉豆蔻燒存性 壹枚 椶實伍枚

葇荈子淘去浮者 滿伍椶實中

右四味將椶實并葇荈一處炒令黑色與赤石脂豆

蔻同搗羅為末入蟾酥少許用麩糊和丸如黃米大

每服五丸米飲下蟲痛煎苦楝根湯下小兒泄瀉頻

綱鑑一百七十九

三十四

服良

治小兒寒氣傷脾蟲痛瀉青黑色減乳食化蟲丸方

木香壹分

檳榔炮貳枚

胡粉

苦楝根

鶴蝨炒各貳分

右五味為細末麪糊丸如麻子大一二歲每服十九

溫粥飲下日二差即止

治小兒疳蟲腹痛乾漆散方

乾漆炒烟出壹錢

使君子取肉拾肆枚

棟木皮

東邊皮厚者暴乾去

蟲皮壹兩

蕪荑壹錢半

右四味搗為散每服半錢七量兒大小加減汝糖熟

水調下

治小兒疳蟲疔刺腹痛化蟲丸方

蕪荑壹錢

檳榔炮貳錢

鶴蝨炒半兩

右三味為末豬豬膽丸如麻子大每服五丸量兒大

小加減

治小兒蟲痛棟實散方

棟實

雞糞等分

右二味為散每服半錢匕冷水調下

治小兒蟲痛面好伏地口吐清水鶴蝨散方

鶴蝨炒

苦楝根各壹分

檳榔炮壹枚

總錄一百七十九

三十五

牽牛子

炒壹分

使君子

去皮拾枚

右五味搗為細散每服半錢匕米飲調下

治小兒胃虛蟲動吐逆乾漆散方

乾漆

燒出烟壹兩

右一味搗羅為散每服半錢匕煎葱白湯調下立効

小兒盜汗

論曰小兒盜汗者由心氣不足風邪入於陽經陽經虛故也以其眠睡之間盜人氣血故謂之盜汗久不已令兒皮腠虛疎潮熱時作肌肉消瘦治不宜緩

治小兒盜汗睡中驚啼犀角湯方

生犀角屑

參分

茯神

去木壹兩

麥門冬

去心焙壹兩半

白朮

壹分

甘草

炙剉半兩

右五味麤搗篩每二錢匕以水一小小盞煎至五分

去滓分溫三服食後臨臥量兒大小加減

治小兒盜汗故扇散方

故扇

燒灰壹分

麻黃

取根節參分

右二味搗羅為散每服半錢匕乳汁調下量兒大小

加減

治小兒盜汗此胡秦芫湯方

此胡

去苗

秦芫

去苗

帶山

新金一

三十一

貝母心去

甘草炙

烏梅肉乾

山梔子人

豉

鼈甲去裙襖

黃芩去黑心

生薑切

大黃半兩

桃枝剉

柳枝剉

菖白切

薤白切各

糯米半

右一十七味蠶搗篩每一錢匕水半盞酒二分同煎

至四分去滓溫服早晨日午臨臥各一五歲以下分

作二服二歲以下分作三服

治小兒骨蒸盜汗乳食減少豬肚丸方

鼈甲去裙襖

苳胡苗

木香

青蒿去

生乾地黃焙各壹兩黃連去須炒

青橘皮去白焙

右七味搗羅爲末用一枝嫩小豬肚淨洗入藥末在

內繫定烝令極爛研和藥末丸如菉豆大每服十九

溫水下食前日午臨臥日三更看兒大小加減

治小兒盜汗肌熱青蒿煎丸方

青蒿切

甘草炙

杏仁湯浸去皮尖

兩

鼈甲去裙襖

苳胡末

白蜜分

右六味用童子小便五升先煎青蒿取一升去滓更

總錄一百七十九

三十一

金一十七

三十一

煎令如稀餡人酥少許及蜜諸藥末等熬成煎丸如
菘豆大每服十五丸至二十九空心熱水下更量兒

大小加減

治小兒骨蒸壯熱肌肉減瘦多困少力夜多盜汗地骨

皮湯方

地骨皮

秦艽去苗土

苳胡去苗

枳殼去穢炒

知母焙

當歸切

鼈甲去裙襴

右七味等分麤擣篩每服一錢半匕水八分入桃柳
心各五枚薑二片烏梅半枚同煎至四分去滓溫服

空心臨臥各一五歲以下分作二服

治小兒骨蒸肌瘦盜汗鼈甲苳胡煎丸方

鼈甲取助者壹枚去裙襴醋炙

苳胡去苗

甘草炙

杏仁湯浸去皮尖雙入研 桔梗炒各

胡黃連分壹

當歸切

地骨皮

赤芍藥各壹兩

木香半兩

黃連去須壹分

桂去蘊皮半兩

人參壹兩

麝香少許

酥

蜜各參兩

右一十六味除酥蜜外擣研為末用青蒿一斤剉童子
小便五升好酒一升熬蒿至二升去蒿入酥蜜再

總錄一百七十一

三十八

熬成煎候冷入藥末和丸如菉豆大每服十九米飲
下日二服如秋冬合時更入桃柳心各七枚宜與後
方此胡人參湯相間服

治小兒骨熱盜汗肌瘦減食此胡人參湯方

此胡去苗

人參

白茯苓去黑

當歸切

桔梗

青橘皮白

芍藥

芎藭

麥門冬去心

白朮

升麻

桑根白皮

甘草各壹兩

右一十三味並生剉如麻豆大每一錢匕水一盞煎

至六分去滓分溫二服食後臨臥與前鼈甲此胡煎

丸相間服速効

治小兒盜汗潮熱往來重湯丸方

胡黃連

此胡去苗等分

右二味擣羅爲末鍊蜜和凡如雞頭實每服二丸至

三丸銀器內用酒少許化開更入水五分重湯上煮

三二十沸放溫食後服量兒大小加減

治小兒肌熱盜汗丹砂散方

丹砂研壹兩

白礬蒸汁枯研貳錢

右二味再同研勻細每服半錢匕薄荷自然汁調下

治小兒心熱盜汗芎藭湯方

芎藭

大黃剉

羌活去蘆

甘草

炙剉各壹兩

右四味麤擣篩每二錢匕水一中盞入薄荷數葉同煎至六分去滓分溫二服量兒大小加減

治小兒盜汗黃連散方

黃連去須參分

牡蠣燒研如粉

貝母去心各半兩

右三味擣研爲末以米粉一升相和令勻如有汗粉兒身

治小兒盜汗麻黃根散方

麻黃根

雷丸

牡蠣火煨通各兩半

甘草炙壹兩

乾薑炮半兩

梁米半升

右六味擣羅爲散以粉兒身體及頭甚驗

小兒吐血

論曰小兒陽氣盛壯上焦有熱伏於肝心二臟播流脉中血得熱則妄行下入胃中胃受之則脹滿與氣俱上衝擊故令吐血

治小兒心肺百熱吐血黃連飲方

黃連去須壹兩

豉貳佰粒

右二味將黃連麤擣篩每服半錢匕水七分入豉二

十粒同煎取三分去滓溫服日三更量大小加減

治小兒吐血不定方

刺薊自然汁不刺朴消半兩

右二味先研朴消為末二百日兒及碎兒每服用刺

薊汁調朴消末一字至半錢匕日再服更量大小加

減

治小兒吐血大黃湯方

大黃剉炒黃芩去黑心各等分

右二味麤搗篩三四歲兒每服一錢匕水七分入黑

豆三十粒同煎至四分去滓溫服日三更量大小加

減

治小兒積熱攻肺卒吐血方

飛羅麩貳兩生地黄汁貳

右二味相和勻暴乾研為末每服半錢匕新汲水調

下日三隨兒大小加減

又方

刺薊花暴乾不拘多少

右一味搗羅為末每用黃牛乳調下一錢匕日三

治小兒吐血地黃飲方

地黃壹升研取自然汁

右一味一歲兒服半合三三歲每服一合量兒大小
增減日三

又方

蛇退皮燒燬
研細

右一味乳汁調下一字匕日三服隨大小加減

小兒鼻衄

論曰小兒體本挾熱舍於經絡血脉揚溢則爲鼻衄蓋
血與氣循行經脉通於府藏邪熱乘血血得熱則妄行
隨氣上溢出於鼻者爲鼻衄血虛受熱散漫失度出於
七竅者爲大衄

治小兒中熱橫驚及時疾後鼻衄玉屑散方

寒水石研

馬牙消研各
壹分

貝母去
心

知母各壹
分半

荷葉青兩水煮
染淨焙乾

右五味搗研爲細散每服半錢匕蜜水調下食後

治小兒鼻衄地黃煎方

生地黃汁

刺薊汁各貳
盞

杏仁湯浸去皮尖
及雙人麩炒

黃芩壹兩

阿膠炙令燥破
爲末半兩

右四味同入銀器中慢火熬爲煎每服一錢匕新汲

水化下不計時候量兒大小加減

治小兒卒熱毒氣攻腦鼻中衄血不止梔子散方

梔子人壹兩壹半生用壹半炒

槐花半兩生用

右二味搗羅為細散每服半錢匕加至一錢熱水調下日三量兒大小加減

治小兒陽毒煩躁吐血衄血漸生赤斑絳雪丹方

丹砂研半兩 焰消研壹兩

右二味各研令細再同研鍊蜜和丸如梧桐子大每服一丸沙糖水調化服取下涎即安

治小兒鼻衄不止刺薊散方

刺薊焙 蒲黃各半兩 亂髮燒灰壹分

右三味搗羅為細散每服半錢匕以新汲水調下不

計時候量兒大小加減

大德重校聖濟總錄卷第一百七十九

大德重校聖濟總錄卷第一百八十

小兒門

小兒鼻鼈塞

小兒鼻多濁涕

小兒腦熱鼻乾無涕

小兒多涕

小兒喉痺

小兒重舌

小兒木舌

小兒燕口瘡

小兒口瘡

小兒鼻鼈塞

論曰肺氣通於鼻鼻和則知香臭小兒鼻鼈塞者肺氣不利也肺主氣諸陽之氣上榮頭面其氣不和風冷乘虛客於腦與氣停滯搏於津液鼻道壅遏故為鼻鼈塞
治小兒鼈鼻黃連丸方

黃連去須壹兩壹分

艾葉炒

升麻各參分

防風去又半兩

朴消貳兩

大黃剉炒參分

右六味搗為細末鍊蜜和更搗一二百下丸如菉豆大每服三五丸溫水下食後臨臥服隨兒大小加減
治小兒鼻塞不通利丹參膏方

丹參

細辛去苗

芎藭

當歸剉

桂去毒

防風去毛各

蜀椒去目并閉口

乾薑炮各

右八味剉如麻豆大豬脂五兩羊髓五兩與藥相和

入銚子內慢火熬候藥黃色取下絞去滓貯瓷器中

每以大豆許內鼻中日三

治小兒願氣虛腫鼻塞不通白芷膏方

白芷

細辛去苗

木通剉

當歸切焙各

右四味剉如麻豆大以羊髓四兩與藥同入銚子內

慢火熬候白芷黃成膏絞去滓貯瓷器中每用少許

傅顙上兼內鼻中

治小兒鼻塞不通細辛膏方

細辛去苗

木通剉

辛夷各壹

杏人湯浸去皮尖

雙入炒半兩

右四味剉如麻豆大以羊髓豬脂各三合同藥入銚

子內慢火熬候色黃絞去滓貯器中貯之塗鼻內

治小兒鼻鼈不聞香殭龍腦散方

龍腦研壹

瓜蒂拾肆

赤小豆柒

黃連去須

右四味先以三味爲細散入研者藥和勻臨臥粟米
許吹入鼻中少頃有清水出

治小兒鼻塞不通不能乳木香膏方

木香

零陵香各壹兩

右二味爲細末用醍醐三合與藥末同入銚子內煎
成膏用塗頭上及鼻中如小豆許日再

治小兒鼻塞生肉細辛散方

細辛去苗葉

木通剉各壹兩

右二味爲細散以綿纏裹大豆許內鼻中日再

治小兒鼻塞不通羊髓膏方

羊髓

薰陸香各參兩

右二味於銚子中慢火熬成膏去滓入瓷器中盛貯
以膏摩背候鼻通爲効

小兒鼻多濁涕

論曰人之津液涕唾得熱則燥涸得冷則流溢小兒因
解脫不時風冷傷於肺經或冷中顙戶皆令兒涕液不
收蓋肺氣通於鼻腦液下通於鼻故也

治小兒鼻多濁涕菊花湯方

甘菊花擇

甘草炙各壹分

防風去叉半兩

山茱萸棗

右四味麤搗篩每一錢匕水一盞煎至六分去滓分
溫三服早晨日午晚後各一更量大小加減

治小兒肺傷冷鼻流濁涕前胡橘皮湯方

前胡去蘆頭

陳橘皮湯浸去白

焙各半兩

白茯苓去黑皮

桂去蘆

白朮

人參

細辛去苗葉

甘草炙各分

右八味麤搗篩每服一錢匕水一盞煎至五分去滓
溫服日三隨兒大小加減

治小兒腦戶傷風冷鼻多濁涕精神昏悶防風湯方

防風又去

甘菊花擇

白朮

人參

細辛去苗葉

白茯苓去黑皮

甘草炙各分

右七味麤搗篩每服一錢匕水一盞人生薑少許同
煎至五分去滓溫服不拘時更量大小加減

治小兒鼻塞多涕杏人膏方

杏人湯浸去皮尖

雙入炒半兩

蜀椒去目并閉口

附子炮裂去皮臍

細辛去苗葉各壹分

右四味除椒外剉如麻豆大以醋五合漬藥一宿明
旦以豬脂半斤與藥相和入銚子內慢火固熬候附
子黃成膏去滓取出貯堯器內放冷取塗鼻中兼摩

頂上日三五度

治小兒肺寒鼻多濁涕精神不爽不思乳食通肺湯方

人參

前胡去蘆

細辛去苗

杏人

湯浸去皮尖
雙人麩炒黃

桂去蘆

甘草

炙各
壹分

右六味麤搗篩每服一錢匕水一盞入生薑少許漿

一枚擘破煎至五分去滓溫服不拘時量大小加減

治小兒風冷傷顙鼻塞多涕細辛膏塗方

細辛

末壹兩

麻油合

右二味以油煎細辛令微黑入蠟半兩候消令凝每

日薄塗顙上日三易

小兒腦熱鼻乾無涕

論曰肺氣通於鼻鼻上通於腦腦髓下滲而爲涕故涕
爲肺之液而其出從鼻小兒肺藏壅滯內有積熱上攻
於腦津液內涸故令鼻乾無涕也

治小兒腦熱鼻乾無涕升麻丸方

升麻

防風去

梔子人各半兩

右三味搗羅爲末青羊腦髓和丸如麻子大一二歲

每服三丸溫熱水研化下食後午時臨臥各一量兒

大小加減

治小兒腦熱鼻乾燥常閉目黃芩湯方

黃芩去黑心

青箱子

大黃剉炒各半兩

蜀漆

甘草炙各壹兩

右五味麤搗篩五六歲兒每服一錢匕水一盞煎至五分去滓放溫食後日二服量大小加減

治小兒腦熱鼻乾無涕茯神湯方

茯神去木

栝樓根

麥門冬去心各壹兩

黃耆剉壹兩半

生乾地黄洗焙參兩 酸棗仁炒半兩

羌活去頭蘆

葛根剉

羚羊角鎊各壹分

右九味麤搗篩每服一錢匕水七分浸藥良久煎至

四分去滓放溫服日三食後良久

治小兒腦熱鼻乾無涕藥本湯方

藥本去苗止壹分

羚羊角鎊

防風去叉各壹兩

芎藭

菊花去蘆燼

細辛去苗

白木

人參

茈胡去苗

白茯苓微炒

山梔子人

白茯苓去黑皮各半兩

甘草炙

黃芩去黑心各壹分

右一十四味麤搗篩每服一錢匕水七分入青竹葉

五片同煎至四分去滓澄清放溫細呷食後日再

治小兒腦熱鼻乾無涕犀角散方

犀角鎊半

升麻

惡實壹兩

麥門冬去心

茯神木

百合

桑根白皮炙

大黃炒

苳胡去

山梔子人

枳殼主類 薑炒 甘草炙

桔梗炒

黃芩去黑分

右一十四味麤搗篩每服一錢匕水七分煎至四分

去滓放溫食後隔臥服

治小兒腦熱肺壅鼻乾無涕喘息不得苳胡煎方

苳胡去

麻黃去根節湯 甘草炙

木通剉

紫苑去土

五味子

大青

乾百合各壹兩

款冬花

藍葉

人參

赤茯苓去黑皮

大黃剉

酥斤

蜜錄 燕去白

右一十五味除酥蜜外細剉水七升慢火煎至三升

去滓入酥蜜同熬成煎瓷器盛五六歲兒食後溫熱

水調下一錢匕日三看病輕重量大小加減

治小兒腦熱鼻乾無涕大黃湯方

大黃剉

苳胡去

防風去

甘草炙

右四味麤搗篩每服一錢匕水七分煎至三分去滓

放溫食後臨臥各一服量兒大小加減
治小兒腦熱黃瘦黃連汁方

黃連兩

右一味雞攤爲末童子小便一盞浸一宿每日取清
汁半合服之量大小加減

治小兒鼻乾身熱韭根汁方

韭根

右一味搗取汁澄清兩鼻孔各滴如黑豆許勿多多
則有毒

治小兒腦熱鼻乾白礬塗方

白礬生

黃米粉各壹

右二味每用一錢匕清水半合調如泥塗臍上日三
小兒多涕

論曰鼻之氣有出有入入則界內已而復出出則界外
已而復入肺開竅於鼻肺氣不和風冷乘之使氣道遏
而不通則風冷與氣上昇蒸而爲液其液復昇於下故
令鼻多涕

治小兒肺寒鼻多清涕精神不爽減乳食人參湯方

人參

前胡去蘆

細辛去苗

杏仁湯浸去皮尖

桂去皮

甘草炙剉各

右六味麤搗篩每服一錢匕水半盞入生薑少許棗一枚擘破煎至三分去滓溫服不拘時更量兒大小

加減

治小兒肺藏傷冷鼻流清涕前胡湯方

前胡去蘆

陳橘皮湯浸去白

白茯苓去黑皮

桂去麤皮

白朮

人參

甘草炙

細辛去苗葉

右八味麤搗篩每服一錢匕水半盞煎至三分去滓溫服日三更隨兒大小加減

方
治小兒腦戶傷於風冷鼻內多涕精神昏悶甘菊花湯

甘菊花

白朮

細辛去苗

白茯苓去黑皮

防風去

人參

甘草炙剉各

右七味麤搗篩每服一錢匕水半盞入生薑少許煎至三分去滓溫服不拘時更量大小加減

治小兒風傷顛門致鼻塞不通塗顛方

麻油合

細辛末壹兩

右二味同煎微黑色人蠟半兩鎔化停凝每日三度

薄塗之

小兒喉痺

論曰喉痺之病喉中腫塞痺痛水飲不下呼吸有妨寒熱往來得之風熱客於脾肺熏發咽喉小兒純陽尤多是疾若不速治毒邪入心則煩悶懊懣立致危殆

治小兒喉痺由脾肺蘊熱血氣結塞慎勿刺破但以此

方治之木通湯方

木通剉壹兩

升麻壹分

大黃壹分剉炒

麻黃去根節壹分

犀角鎊壹分

石膏碎半兩

甘草炙壹分

右七味麤搗篩每二錢匕水一盞煎至七分去滓下

朴消末一錢匕攪勻再煎一二沸分溫二服早食後

臨臥各一服五歲已上以意加之

治喉痺水漿不下備急三物丸方

大黃剉炒

乾薑炮

巴豆去皮心別搗如脂

右三味等分先搗二味為細末入巴豆再研鍊蜜丸如菉豆大每服三丸溫水下取利為度

治小兒喉痺咽喉傍腫如癰子身體壯熱如不作顆結

空氣急喉中噎塞即是肺脹犀角湯方

犀角鎊壹分

射干壹分

桔梗炒

絡石

升麻

甘草炙

山梔子人各壹分

右七味麤搗篩每二錢匕以水一盞煎至六分去滓
下朴消末半錢匕攪令勻分溫三服早晨日午臨臥
各一

治小兒喉痺咽喉傍腫如癰子身體壯熱如不作顆結
空氣急喉中噎塞卽是肺脹射干湯方

射干

升麻

百合

木通剉

桔梗炒

甘草炙分

右六味麤搗篩每用一錢匕以水七分煎至四分去

滓下馬牙消末半錢匕攪勻食後細細溫啣

治小兒喉痺痛咽塞不利羚羊角湯方

羚羊角鈔屑壹分

升麻分

射干

陳橘皮湯浸去白焙各壹分

白藥半兩

右五味麤搗篩每一錢匕以水七分煎至四分去滓
分溫二服早晨日午夜臥各一五歲已上以意加減
治小兒喉痹上焦積熱壅毒天竺散方

天竺黃

馬牙消

甘草炙各半兩

蛤粉白者貳兩

丹砂研壹分

右五味搗研爲細散每服半錢匕取新汲水搽薄荷

相和入龍腦少許量兒大小湯化服之食後臨臥

治小兒喉痺咽喉傍腫喉中噎塞麻黃湯方

麻黃

去根節
半兩

桂去麤皮
壹分

射干壹
分

杏仁

湯浸去皮尖
雙入炒壹分

右四味麤搗篩每一錢匕以水七分煎至四分去滓

食後分溫二服

治小兒走馬喉痺白礬散方

白礬

煨焙研
兩

消石研

雄黃

研各
壹分

苦參末

兩

右四味同研爲細散每服半錢匕冷水調下併三服

治小兒喉痺馬蘭湯方

馬蘭子

炒

升麻各壹
分

右二味麤搗篩每一錢匕水半盞煎至三分去滓下

白蜜少許攪勻分溫二服如無馬蘭子卽用根少許

入水搗絞取汁細呷

治小兒喉痺方

葛蔓

右一味燒爲灰水服一錢匕

治小兒喉痺方

棘刺

右一味燒灰水調服半錢匕

又方

魚膽貳柒枚

右一味以竈下黃土同研塗吹喉中立差

小兒重舌

論曰小兒重舌者舌本之下或如臥蠶亦如小舌之狀此由心脾二藏壅熱所致蓋心主舌脾之絡脉連舌本散舌下故二藏有熱熱隨脉上至於舌本之下血脉脹起變生重舌宜急治之刺法中論刺舌下兩邊出血後以藥治之不然即滿口塞喉便致危殆

治心脾經為邪熱所客重舌腫脹語聲不出水飲不下
三物備急丸方

大黃剉炒

乾薑炮

巴豆去皮心膜各等分

右三味搗研為末鍊蜜丸如菉豆大每服五丸溫水下大便利為度

治小兒重舌舌強不能收唾鹿角散方

鹿角末壹兩

右一味每用少許傅舌上日三度

治小兒重舌口中生瘡涎出桂礬傅方

桂去麤皮壹分

白礬燒令汁壹分

右二味搗研為末乾傳舌上日三

又方

蒲黃

露蜂房各壹分

白魚燒灰壹錢

右三味都研令勻用酒少許調傳重舌上日三

治小兒重舌蛇蛻皮方

右取蛇蛻皮燒作灰塗舌下一法以醋調鵝毛掠舌

下愈

又方

右以烏賊魚骨燒灰和雞子黃塗喉及舌上差

又方

右取黃蘗以竹漚漬取汁細細點口中良

又方

右以嚙栗哺之差

治重舌衣魚散方

右取衣魚燒作灰傳舌上

治小兒重舌口中蒼涎出蒲黃傳方

右以蒲黃傳舌上不過三次愈

治小兒重舌欲死者方

右取亂髮燒灰傳舌下良

治小兒重舌木蘭皮方

右取木蘭皮一尺廣四寸削去麤皮細剉以苦酒一升煮取半升適寒溫漬兩手食頃間小渴須臾乾復漬兩足出乾復漬大良

治小兒重舌方

右燒餽帶灰傅之

又方

右取桑汁塗乳飲之

小兒木舌

論曰小兒木舌者以心氣蘊熱熱氣隨脉上至於舌則血脉脹起漸漸腫大滿口塞喉若不急治便致危殆經

云畜則腫熱砭射之也先宜砭射後以藥治之

治小兒木舌腫脹滿塞口中三物備急方

大黃

剉

巴豆

去心皮研

乾薑

炮各等分

右三味搗研爲末鍊蜜爲丸如棗豆大每服五丸溫水下大便利爲度

治小兒木舌紫雪散方

紫雪

細研

竹瀝

右二味每用紫雪一字竹瀝少許調服一日四五服治小兒木舌方

衣中白魚

伍枚

朴消

研壹分

鹽

半錢

右三味搗研為細末每用少許傅舌上

治小兒木舌長大鯉魚貼方

鯉魚壹枚去骨切肉作片

右一味將魚肉貼於舌上以線繫定

治小兒木舌長大蓬砂散方

蓬砂研

甘草各半兩

白芷貳錢

白藥子貳兩

蒲黃壹兩

右五味搗研為散每服半錢匕薄荷煎湯入蜜少許

調下食後服三歲已上每服一錢匕

治小兒木舌日漸長大滿塞口中人參散方

人參壹兩

白茯苓去黑皮貳兩 甘草炙壹兩

白藥子貳兩

白朮壹兩 槐花

白芷各半兩

右七味搗羅為散用薄荷汁調如糊塗舌上嚥下不

妨不拘時用如患重舌亦可服

小兒燕口瘡

論曰小兒燕口瘡者口吻兩際瘡生如燕口世亦謂之

肥瘡此由脾胃客熱上衝口脣熏發為瘡或者以燕泥

傅之甚良蓋治之以其意也

治小兒燕口瘡石膽散方

石膽

研半兩

龍腦

研少許

右二味共研勻以少許塗瘡上差

治小兒燕口瘡胡粉散方

胡粉

炒研

黃連末

研

右二味同研勻以少許傅瘡上

治小兒燕口及口內生瘡方

羶羊髭

燒灰

右一味研細以臘月豬脂和日三四上塗之

又方

雞臙脰黃皮

不以多少燒灰

右一味研爲末以乳汁調半錢匕服之日三

治小兒心藏虛熱生燕口瘡方

柘木根

右一味以水三盞煎取半盞去滓用汁塗瘡上不拘

度數以差爲止

治小兒燕口黃肥瘡方

右取段羊角燒灰和臘月豬脂傅之差

治小兒燕口黃肥瘡方

右取燕窠土一分入麝香半錢研勻臨臥傅之

治小兒燕口黃肥瘡方

右燒亂髮一分爲灰研細和豬脂塗之差

治小兒燕口瘡藥皮散方

右用黃藥皮爲末餽汗調塗傅瘡上差

小兒口瘡

論曰小兒口瘡者由血氣盛實心脾虛熱薰發上焦故
口生瘡蓋小兒純陽易生熱疾或衣服過厚飲食多熱
血脉壅盛皆致此疾

治小兒口瘡一捻散方

青黛

黃藥皮去毒

訶梨勒炮去核

蜜陀僧

右四味等分攪研爲散取一捻糝舌上如喉咽內有

瘡亦糝喉中微微嚥津

治小兒口瘡紫金散方

黃藥

如兩指面大貳片去
麤皮塗蜜炙令紫

訶梨勒炮去核

麝香

研少許

膩粉研少許

右四味搗羅爲散每服一字許糝舌上立差

治小兒口瘡寒水石散方

寒水石

壹分燒通赤地上
拘合壹宿出火毒

白礬熬令汁
枯壹分

鉛白霜壹分

右三味研爲散每用少許糝口瘡上食後臨臥以差

爲度曠津無妨

治小兒口瘡香白芷散方

香白芷兩半 鹽綠錢壹

五倍子分壹

麝香許少

右四味搗研爲細散每用一字糝瘡上

治小兒口瘡蓬砂散方

蓬砂研 卷蝴蝶研

蜜陀僧各半錢研

右三味用生蜜四兩與藥同熬紫色以新水冰冷瓷合盛每用以雞翎傅之

治小兒口瘡鉛丹煎方

鉛丹兩半 蜜陀僧兩半 白蜜兩肆

右三味先以蜜於銚子內煎令沸下鉛丹同煎令紫色次下蜜陀僧攪令勻成煎於瓷合盛每用小豆大

曠津

治小兒口瘡蚘蛇膽散方

蚘蛇膽研壹分 石膽研壹分 龍腦壹分

右三味同研細每用一字塗瘡上日三五次

治小兒口瘡大青湯方

大青壹分 黃連去須參分

右二味麤搗篩每服半錢匕以水半盞煎至二分去

萍食後服

治小兒口瘡地黃湯方

生地黃汁

桑根白皮汁各壹合

右二味入蜜半合同煎十餘沸每服二分日三

治小兒口瘡黃蘗膏方

黃蘗去麤皮

大豆壹合

右二味麤搗篩以水一盞煎至二合去滓重煎如飴

入少許龍腦研和塗傅

治小兒口瘡爛殞神驗散方

寒食麩伍錢

消石柒錢

右二味同研遇夜新水調藥半錢匕塗在紙花子上

男左女右貼脚心

治小兒口瘡蛇蛻拭方

右取蛇蛻水漬令濕輒拭口內瘡一兩度卽差

治小兒口瘡蟾蜍散方

蟾蜍壹枚炙

右一味搗羅爲散每用一字傅瘡上

治小兒口瘡牛膝酒方

牛膝壹兩

右以清酒二盞煎至七分去滓分溫三服日二以差

爲度

治小兒口瘡蠶蛾散方

晚蠶蛾

壹兩

右搗羅爲散每用一字傅口瘡日三兩次

治小兒口瘡赤爛羊乳飲方

右取羊乳五合冷點口中不過三兩上差

治小兒口瘡赤爛亦葵散方

赤葵莖

貳兩

右搗羅爲散每用一字蜜調塗之

治小兒口瘡赤爛亂髮拭方

中
右以父母亂髮淨洗纏桃枝蘸井華水東向以拭口

治小兒白口瘡滿口如浸餅起者貝母散方

貝母

去心貳兩

右一味爲散先煮麩撥粥七箇抱孩兒門限內坐將
逐箇撥粥撮兒口內瘡了棄門限外令犬喫便以藥
末半錢水五分蜜少許煎三分冷與服仍以藥糝貼
每日用三四次卽差

治小兒口生白瘡桑汁塗方

桑根白皮汁

以塗兒唇口即差

治口瘡舌鞭言語不得方

白礬燒令汁盡

桂去麤皮各壹兩

右二味搗研為末糝舌上即差

治小兒口瘡馬芹塗方

馬芹子汁

右先揩唇上血出塗藥日三次驗

大德重校聖濟總錄卷第一百八十一

大德重校聖濟總錄卷第一百八十一

小兒門

小兒語遲

小兒齒不生

小兒咽喉諸病

小兒誤吞物

小兒緊唇

小兒涎液不收

小兒胎赤眼

小兒斑瘡入眼

小兒眼生翳膜

小兒目赤痛

小兒聾耳

小兒語遲

論曰心爲言肝爲語其經屬手少陰足厥陰其氣上通於舌舌者聲之機若稟受之初母懷驚怖則子之心火不足而肝木弱故令機關不利氣不宜揚而語遲甚者有經數歲不能言者

治小兒心氣不足舌本無力語遲芍藥湯方

赤芍藥兩

黃耆劉參分

犀角鎊

檳榔剉

甘草炙各半兩

右五味搗篩每服一錢匕水一小盞煎至五分去滓量兒大小不計時候加減溫服

治小兒諸病後六七歲不能語雞頭丸方

雄雞頭

燒灰壹枚

鳴蟬

去翅足炒參枚

甘草

炙半兩

大黃

剉炒

麥門冬

壹兩半主心焙各

當歸

焙切

黃耆

剉

芎藭

各參

遠志

去心

木通

剉各半兩

人參

壹兩

右一十一味搗羅爲末鍊蜜丸如菉豆大每服以粥

飲下五九至七九量兒大小加減不計時候

治小兒五六歲不語菖蒲丸方

菖蒲

人參

黃連

去須各半兩

丹參

赤石脂

各參分

天門冬

去心焙

麥門冬

去心焙各壹兩

右七味搗羅爲末鍊蜜丸如菉豆大每服五七丸溫

水下不拘時候日三量兒大小以意加減

小兒齒不生

論曰牙齒者是骨之所終髓之所養手陽明足太陽之脈並入於齒若血氣充實則骨髓強盛雖其齒損落猶能更生也若虛弱者血氣衰耗風冷乘之致令齒久不生假令生者或齟或蠱落不能復生也

治小兒齒不生或因落不生方

牛糞中黑豆

右一味取二七枚小開去頭上皮此豆頭開處注齒根上時時用之當効

治小兒牙齒不生方

雄鼠糞

貳柴
枚

右一味每日用糞一枚齒根上拭至二十一日其齒

當生

又方

道傍遺稻粒

右一味於齒落處點三七下其齒自生

治小兒齒不生無間遠近皆得便生神効方

雄雞糞

貳柴枚
頭尖者雌雞糞
頭圓者

右二味燒灰存性先用鍼挑開齒斷上以雞糞灰點

之

小兒咽喉諸病

論曰咽喉者肺脾經所主也小兒肺脾有熱蘊積上焦熏發喉間故令咽喉赤腫吞吐不利或塞或壅憎寒壯熱欬嗽痰涎是其候也昔人謂藏熱則咽門腫而閉塞豈虛言哉

治小兒咽喉中鳴欬嗽喘急款冬花丸方

款冬花

甘草炙

紫苑去苗

麻黃

去根節煎去沫
焙各半兩

貝母麩炒

麥門冬

去心焙
各參分

右六味搗羅爲細末銀蜜丸如菟豆大每服三丸至五丸食後米飲下五歲已上以意加之日三

治小兒咽喉舌腫脹咽氣不利朴消散方

朴消壹分

衣中白魚炒參
枝鹽許

右三味搗研爲細散每服以指搯少許在舌下

治小兒咽喉頂腫啼聲不出牛黃散方

牛黃研半

代赭參兩

麝香研半錢

玄參分參

厚朴去麤皮生薑
汁炙參分

升麻壹兩

射干半兩

大黃剉炒壹分

木香分參

白朮半兩

犀角鎊屑參分

甘草炙半兩

右一十二味搗羅十味爲細散入研藥和勻每服半錢匕以人乳汁一蛤蜊殼許調下空腹日一服三歲至五歲以上每服一錢匕棗湯調下米飲亦得日再治小兒咽喉中鳴欬嗽痰壅牽牛散方

牽牛子炒半生半
貳兩

杏仁去皮尖
雙大炒

甘草炙

吳茱萸湯洗焙
乾炒 陳橘皮去白焙
各壹分

右五味搗羅爲細散每服半錢匕空腹以沸湯調下

微利出惡物卽差量見大小加減服

治小兒咽喉腫熱肺脹氣急喉中似有物塞麻黃湯方

麻黃

去根節煎

桑根白皮

桂去麤皮
各半兩

大黃 生

射干

杏仁湯浸去皮尖
餘人各一分

右六味蠶梅篩每服一錢匕以水半盞煎至三分去

滓溫服

治小兒咽喉腫脹咽氣不利黃蘗湯方

黃蘗

去麤皮
密炙

甘草

炙各
一分

右二味麤篩每每一錢匕以水半盞煎至三四分去

滓溫服不計時候

治小兒熱病口爛咽喉生瘡水漿不下當歸骨方

當歸

去蘆頭
剉炒

射干

升麻剉各
壹兩

附子

半兩炮去
皮臍剉

白蜜

右五味切以豬脂四兩先煎成油後內諸藥入於油

中用文火熬令附子黃色濾去滓投蜜更熬一兩沸

成膏以瓷器收每取杏人大含化嚙津無妨日三四

用之

治小兒咽喉腫痛毒氣熱極咽塞不利生薑湯方

生薑

貳兩
切

升麻

貳兩
剉

射干

貳兩

陳椅皮

壹兩湯
浸去白

右四味剉如麻豆每服三錢匕水一盞煎至七分去滓溫服

治小兒咽喉腫痛壯熱躁渴不止升麻湯方

升麻

射干

大黃剉炒各半兩

右三味麤搗篩每一錢匕水半盞煎至四分去滓分

溫二服早晨日午各一

治小兒膈熱脣口生瘡咽喉腫痛玉芝散方

甘草剉作半寸許劈破湯浸壹日微炒

石膏研細粉各壹兩

山梔子去皮微乾兩葉半炒

右四味搗研為細散每服半錢匕以新汲水調下量

兒大小加減服

治小兒風熱咽喉腫塞生瘡搖頭煩悶及蟲咬心痛龍

腦丸方

龍腦研半錢

白礬銕子內鍊沸泣盡汁毒度研

玄明粉壹錢

蟬殼參拾枚去足炒研末牛黃研半

蛇蛻皮壹條長貳尺鐵器上燂焦研為末

右六味再一處細研入沙糖少許和丸如梧桐子大

冷水化破一丸服之

治小兒咽喉腫痛苦藥子散方

苦藥子

白殭蠶等分

右二味搗爲細散每服半錢匕白礬水調下量兒大小加減

治小兒忽腫毒著咽喉露蜂房散方

露蜂房燒灰

白礬各壹分

右二味細研每服半錢匕用乳香湯調下看兒大小以意加減

治小兒喉痺血氣結塞慎勿刺破但與藥通利升麻湯

方

升麻

木通剉

大黃生

麻黃

去根節各壹分

犀角燒

石膏碎

甘草生剉各半兩

朴消研四分

右八味麤搗篩每二錢匕水一盞煎至七分去滓量

大小分減服

小兒誤吞物

論曰小兒多以珠璣錢鏰之類爲玩弄之具或藏於口中因驚或啼遂誤吞嚥倉卒不得出爲害亦大當隨物所宜以方術治之

治小兒誤吞錢在喉中不下方

麩炭研末

右一味以指彈少許入喉中少頃自吐出一方用羊

歷炭研細爲末

治小兒誤吞鍼方

磁石 壹塊小彈子
大吸鐵緊者

右一味入口內吸令鍼出或絲繫定送咽喉引出亦得

治小兒誤吞鈎繩方

右凡吞鈎繩猶在手者莫伸引俱以珠璫若穿了惹
苡子之類就其繩穿稍稍推至鈎畔卽急推前入纒
鈎離刺處復緩緩引出

治小兒誤吞珠璫方

右燒銅弩牙令赤淬水一碗旋飲其物卽出

治小兒誤吞銀釵及釵方

右以餡糖隨兒大小多少食之若能多食釵鏤卽隨

出

治小兒誤吞髮方

右用木梳燒灰細研粥飲調下半錢匕不下再服

治小兒誤吞梅李核方

右以溫水旋從小兒頭淋下却接其水與兒飲之

治小兒誤吞釵方

右以鷄毛半兩燒灰細研米飲調下半錢未効再服

小兒緊脣

論曰脾主肉其華在脣脾胃有熱熏發於口則令脣際生瘡又為風邪寒濕之氣搏於腫處故焮結不消濕爛汁出時發時差積久不愈謂之緊脣瘡又名藩脣也

治小兒脣瘡未已復被風冷所搏瘡口濕腫此名緊脣順脾散方

山芋兩壹

人參叁

桂去麤皮壹分

木香兩半

甘草叁

白朮各壹分

訶梨勒炮去核兩半

肉豆蔻炮去殼貳枚

白茯苓去黑皮

黃耆到各半兩

白芷壹分

右一十一味搗羅為散每服半錢匕沸湯點服量兒大小加減

治小兒緊脣瘡二鉛散傳方

鉛丹壹分

鉛霜研半

蛤粉研

晚蠶蛾微炒各半錢

麝香研壹錢

右五味各為散用蜜合調傅瘡上

治小兒緊脣瘡腫皮急黃連散傳方

黃連去須

黃藥去麤皮到

甘草生

凝水石碎各半兩

檳榔生到壹分

右五味搗羅為散用蜜調傅脣上頻換為効

治小兒緊屑及脾熱攻屑瘡腫烏蛇散傳方

烏蛇酥

右一味細研以酥和傅屑上頻換爲効

治小兒屑瘡白及膏傳方

白及

白欬

白蠟各壹兩

黃耆剉

乳香研

牡丹皮

芍藥

丁香各壹分

麻油貳兩

右九味除油蠟外並細剉先煎麻油令沸次入前項藥以柳木枝不住手攪綿濾過去滓再煎入蠟膏成入銀石器中盛候冷不拘多少取傅瘡上黑連量良

治小兒屑瘡不合龍膽丸方

龍膽

大黃剉壹分炒

人參

梔子人

朴消

郁李人去皮別研入各半兩

茵陳蒿壹分

右七味搗羅爲末鍊蜜和丸如麻子大每服五丸至七丸溫水下量兒大小加減

治小兒屑瘡方

黃蘗去麩皮爲細末

右一味濃煎蕃薇根汁調塗瘡上立効

治小兒屑生瘡方

桑根白皮細切

石一味搗取汁塗瘡上大効

治小兒脣瘡方

藍葉細切

右一味研取汁洗之日三上差

小兒涎液不收

論曰小兒因氣不升降膈腕否滯致令乳飲不化流入胃中隨氣上溢故令多涎其候胸滿短氣飲食遲化內經謂脾爲涎當調脾胃升降其氣則病可愈

治小兒脾風多涎心胸壅悶不下乳食昏昏多睡銛霜

散方

霜銛研

牛黃研

半夏生薑汁製

龍腦研分各

白附子炮

馬牙消研

防風去

丹砂研

天竺黃研

犀角屑

細辛去苗

黃芩去黑心

甘草炙剉各壹分

右一十三味搗研爲散再同研勻每服一字用生薑蜜溫水調下更量兒大小以意加減不計時候

治小兒脾肺風熱膈上多涎心神昏悶少欲乳食防風湯方

防風去

羚羊角屑

黃芩去黑心

人參

枳殼去麩炒

甘草炙剉各壹分

半夏半分生薑汁製焙乾

右七味鑿搗篩每一錢匕水八分入生薑少許煎至

五分去滓不計時候量兒大小分減溫服

治小兒脾熱乳食不下胸膈多涎半夏丸方

半夏半分生薑湯洗柒偏去滑

皂莢子八兩

右二味搗羅爲末用生薑汁和丸如麻子大不計時候以溫水下三九隨兒大小以意加減

治小兒脾胃氣不升降氣溢於上涎液不收半夏丸方

半夏微炒

白礬生研

右二味先以半夏爲細末再入白礬和勻麩糊和丸

如粟米大每服五七九量輕重加減食後臨臥生薑

湯下

治小兒胃氣上溢氣不升降涎液不收滑膈降氣丸方

牛房子

梔子人

甘草炙微

川消

鬱金已上各半兩

枳殼壹分麩炒

龍腦半兩

右七味搗羅爲末麩糊和爲丸如麻子大用薄荷水化下二九至三九不計時候量兒大小加減服之

治小兒脾熱乳食不下胸膈痞悶涎溢不收桑白汁方

新桑根白皮不以多細

右一味取自然汁塗於兒口內立効如無新桑根白皮取乾桑根白皮一兩細剉用水一盞煎至半盞放溫塗兒口內極妙

小兒胎赤眼

論曰小兒眼胎赤者是初生洗目不淨令穢汁浸漬於背中使驗赤爛至大不差故云胎赤眼也

治小兒胎赤皆爛黃連丸方

黃連去後壹兩

防風去

龍膽去

大黃剉炒

細辛去苗葉各半兩

右五味搗羅爲末鍊蜜丸如菉豆大每服五丸至七丸溫熱水下日三更量兒大小加減

治小兒眼胎赤風毒所攻腫痛升麻湯方

升麻

黃耆剉

玄參

甘草炙各半兩

犀角屑

防風去

麤人湯浸去皮

各壹分

右七味麤搗篩每一錢匕以水七分煎至四分去滓分溫二服更量兒大小加減

治小兒眼胎赤腫痛上焦壅熱麥門冬湯方

麥門冬焙去心 犀角屑 芒消

防風去 甘草炙各半兩 旋復花壹分

右六味麤搗篩每一錢匕水七分煎至四分去滓量

兒大小分減溫服日四五

治小兒眼胎赤久不差牛黃丸方

牛黃壹分 黃連半兩 決明子壹分

麤人壹分湯浸去皮 犀角屑兩 龍腦壹錢

右六味搗羅爲末鍊蜜和丸如麻子大每服以溫水

下五九日三四服更量兒大小以意加減

治小兒眼胎赤及生瘡怕見風日方

龍腦半錢 麤人壹分湯浸去皮研 杏仁壹兩湯浸去皮尖雙入研

右三味滴少水都細研如乳汁每日三四度點之

治小兒眼胎赤痒痛方

龍腦半錢 桑葉伍兩燒

右二味水一升半先煎桑葉灰取半升綿濾去滓後

入龍腦攪令勻日三四上少點

治小兒眼胎赤龍腦煎方

龍腦壹錢 鹽綠半兩 麤人湯浸去皮壹分

右三味都研令極細以蜜調似面脂用點眼日三兩

上

治小兒眼胎風赤爛不以年月發歇視物淚出澁痛不可忍黃連膏方

黃連去須搗 盧會研 龍腦別研

右三味先將黃連盧會搗研羅爲末以新綿裹用水一盞於銀器中以重湯煮候藥汁三分減二卽去藥綿入龍腦攪勻以瓷瓶收每日三兩上點之

治小兒眼胎赤兼有翳膜杏人膏方

杏人去皮尖雙兩 膩粉壹錢

鹽綠 黃連末各壹分

右四味同研極細以真酥調如膏攤於銅匙內以熱

艾如雞子大掘小坑子燒艾烟出便覆銅煎熏之勿令氣洩候烟盡更研令勻每取少許以綿裹用人乳汁浸一宿日三四度點之

治小兒眼胎赤經年月深遠者銅青散方

銅青 膩粉各壹錢 龍腦半錢

乾地龍壹條去土爲末

右四味同研極細每用半小豆許點目皆日一兩度

小兒斑瘡入眼

論曰小兒脾肺壅熱或緣時氣溫病表裏俱虛邪毒發於肌表致生斑豆甚者徧體斑如瑇瑁頭作燥漿毒氣

炎盛上攻眼目發於睛輪先須於驗膚上用藥貼滯次可調利脾肺切不得用藥點眼點藥則令斑瘡潰爛穿壞睛輪不可不慎也

治小兒斑瘡入眼連翹散方

連翹

去子

芎藭

黃蘗

去蘊皮各壹錢

胡麻

去油參錢

甘草

參錢分

右五味搗羅爲散用白湯調放冷食後服五歲以下半錢五歲以上一錢如眼內有白丁子者不日退去治小兒熱盛攻眼及斑瘡入眼井泉石散方

井泉石

烏末再補飛油

蟬殼

去土

蛇蛻皮

參錢

甘草

參兩

右四味搗研羅爲散每服半錢至一錢匕蜜水調卜治小兒斑瘡入眼柳絮散方

柳絮

穀精草

石決明

夜明沙

各等分

右四味搗羅爲散每服一錢匕積豬肝一片批開摻藥在內以線子扎定米泔一大盞煮至五分取出乘熱以湯熏眼良久服之日一服

治小兒斑瘡入眼生翳膜遮睛烏龍散方

烏魚骨

貝齒

豬指甲

各壹兩

右三味同入沙合子內用鹽泥固濟令乾燒通赤爲度取出細研每服半錢匕用羊子肝一具批開糝藥在內麻縷扎定粟米泔一盞煮熟爲度細嚼米飲下
治小兒斑瘡入眼成胞瘡如聖散方

蛇蛻皮壹尺

皂子拾肆枚

馬勃壹分

右三味以蛇皮裏皂子更用馬勃裏蛇皮入罐子中瓦蓋黃泥裹合暴乾炭火煨候烟欲斷卽止取出油單貼入地中出火毒一宿研細入麝香少許再和每服半錢匕葱湯調下日三服忌一切發眼物

治小兒斑瘡入眼及生翳通聖散方

白菊花

如無用甘菊花代

菉豆皮

穀精草

各壹兩

右三味搗羅爲散每服一錢匕用乾柿一枚生粟米泔一盞與藥同煎水盡爲度只喫乾柿一日可二服不計時候若患十日已裏三五服卽差一月已裏十數服差

治豆瘡子入眼妙應散方

蛇蛻皮壹兩

蟬殼貳拾伍枚

右二味用罐子泥固濟暴乾火斷過地上出火毒一宿研爲末蜜水調下一字匕食後日三

治小兒出瘡子後眼內生青膜翳暈蛤粉散方

蛤粉壹

甘草壹

右二味將甘草搗羅爲末與蛤粉同研令勻每服一錢匕新汲水調下不拘時候

治小兒斑瘡入眼成白膜但不作丁子者服之必効
螬散方

桑螵貳

麝香少許

右二味搗研爲細散每服一錢半匕生米泔調下臨臥服

治小兒瘡疹入眼成翳膜蟬殼湯方

蟬殼

羊子肝

右二味搗羅爲末每服二錢匕用水煎羊子肝湯調下日三

治小兒斑疹入眼生翳膜方

穀精草

細蛤粉已上各壹兩

右二味搗研爲細末每用一錢匕豬肝二兩批開搽藥在內捲了用青竹葉裏麻縷扎定水一碗煮令熟入收口瓷瓶內薰眼後取肝食之服不過十日必差

日二

治小兒斑瘡入眼輕粉散方

輕粉膏兩用銀器
內炒令黑色

右一味如患左眼用紙捻纏左耳右耳亦如之以填滿為度如耳根痛其膜自落

小兒眼生翳膜

論曰眼者用之候也五藏六府精氣皆上注於目小兒體本挾熱將養過溫致府藏積蓄邪熱熏漬肝經上衝於目始則赤痛若不卽治蘊結變生障翳熱氣輕者生白翳如黍米大者如麻豆重者乃生兩三翳又甚則翳生白障侵遮瞳人滿目悉白遂致失明然障亦有輕者黑睛邊微有白膜來侵黑睛漸涂散漫當急治之卽免

侵遮黑睛有聲矇之患

治小兒熱毒氣盛翳膜侵睛兼赤眼疼痛翳人丸方

翳人湯浸去皮別
搗壹兩半

兔肝炙壹
具

梔子人

黃芩去黑
心

黃連去須各
半兩

升麻

決明子各參
分

細辛去苗葉
壹分

右八味搗羅為末鍊蜜丸如菘豆大每服三丸至五丸溫水下早晨日晚各一眼更隨兒大小加減
治小兒風翳散漫侵瞳人及風疳眼惡實散方

惡實炒

木通剉

蒺藜子炒去角
各壹兩

右三味搗羅為散每服半錢匕以水搗羊子肝汁調

下早晨日晚各一服更量兒大小加減

治小兒眼赤或生翳膜或眼常合不開决明子散方

决明子

車前子

梔子人

防風去

黃連去須半

右五味搗羅爲散每服一字至半錢匕搗生豬肝投

熱湯取汁調下早晨日晚各一服更量兒大小加減

治小兒肝受病目昏漸生翳膜散漫侵睛因此失明須

內外治之龍膽飲方

龍膽

釣藤

土瓜根

茯神

去木各半兩

甘草炙

桑根白皮炙

防風去
去又各壹分

右七味麤搗篩每一錢匕水一盞入棗半枚去核同

煎至六分去滓分作二服量兒大小加減早晚服

治小兒肝熱眼生翳膜或生血輪腫脹切宜急治車前

子湯方

車前子

防風去

甘菊花

甘草炙

人參

荊藟子

青箱子

各參分

梔子人

黃連去須各半兩

右九味麤搗篩每服一錢匕水一盞入淡竹葉七片

煎至五分去滓溫服日三量兒大小加減

治小兒疳眼翳膜沙澀煮肝散方

黃連須去

沙參

玄精石

決明子

右四味等分搗羅為散每半錢用羊子肝一片竹篋子切作縫子摻末在內線繫入沙罐子內垂掛勿令到底以米泔煮熟淡食羊肝每一片分作兩服或三服量兒大小與食

治小兒五歲已下肝藏熱毒目生丁翳黃芩湯方

黃芩去黑心

升麻

甘草炙剉各半兩

萎蕤

玄參

犀角銼各一分

右六味麤搗篩每一錢匕水七分煎至四分去滓分溫二服量兒大小加減日三四服

治小兒肝藏壅熱眼生瘡翳車前子丸方

車前子

甘菊子

芎藭

黃連須去

當歸切焙各一分

大黃濕紙裹煨

黃芩去黑心各半分

右七味搗羅為末鍊蜜丸如菟豆大每服五七丸量兒大小加減煎桑枝湯下

治小兒風熱疳氣攻眼赤痛障翳撥雲膏方

桃人

杏人各肆枚并去皮尖雙人

麩人

郁李人各伍枚
并去皮

右四味同生研細濾入蜜龍腦麝香膩粉各少許再
研極勻點之

治小兒因瀉痢日久眼生瞖膜并疳眼退瞖如聖散方

蛇蛻

兩條用紙
燭燒灰研 穀精草

兩童

蟬蛻去土
壹分

附子

生去皮
臍貳錢

石決明

剉淨
壹分

胡粉

研肆
錢

右六味搗研為散每服一字半羊子肝一片批破搽
末用麻皮線纏米泔煮熟先熏眼後與食量大小加
減如未能食研汁灌之

治小兒眼有障瞖七八歲瞳子未堅不宜點藥用蝕瞖

珊瑚散方

珊瑚

右一味細研如粉每點時取如黍米大內瞖上日再

點

治小兒目睛有膜白瞖膏方

白瞖

剉令汁
壹分

右一味以清水四合置熟銅器中煎取半合去滓入
少許白蜜以綿濾過每日三度點如黍米大

小兒目赤痛

論曰目者府藏之精華肝之外候也小兒藏府有熱

膈間痰飲相搏氣不宜通熏漬於肝肝經受熱則血脈壅滯循經上衝於目故令目赤痛不即治熱甚則生障翳

治小兒眼赤隱澁不開膈中有熱決明湯方

決明子炒

黃芩去黑心各兩壹分 茈胡苗

大黃研妙各兩壹

升麻

石膏碎

梔子人各壹兩

甘草炙

枳殼去瓢麩炒各半兩

右九味麤擣篩每一錢匕水七分入竹葉五片同煎至四分去滓分溫二服隨兒大小加減食後服

治小兒赤眼黃芩飲方

黃芩去黑心半兩

寒水石壹兩 升麻

甘草炙到各壹分

右四味麤擣篩每一錢匕水七分入竹葉五片同煎至四分去滓分溫二服食後臨臥隨兒大小加減

治小兒赤眼決明丸方

決明子

牛黃別

麩人等分

右三味搗研為末鍊蜜丸如麻子大臨臥時乳汁下二九隨兒大小加減如熱痛不可忍者用豬膽汁丸

立差

治小兒肝熱眼赤疼痛涼膈退熱白華散方

蛤粉水飛

連翹

甘草炙

白藥子

白附子

炮等分

右五味搗研為散每服半錢匕用麥門冬蜜熟水調下量兒大小加減

治小兒目赤腫痛清肝散方

芍藥

防風

去叉各壹分

大黃

剉

羌活

去蘆頭

甘草

剉各半兩

右五味搗羅為散每服一錢匕水半盞入燈心黑豆少許煎五七沸去滓食後溫服量兒大小加減

治小兒風熱眼赤痛敗毒湯方

大黃

剉碎

甜消

剉

甘草

剉各貳兩

陳橘皮

去白焙參兩

右四味麤搗篩每服一錢匕水七分入薄荷三葉煎至四分去滓食後量兒大小加減服無薄荷入乳香亦得

治小兒赤眼朴消膏點方

朴消

燒令乾壹分

黃連

去須參分

右二味搗為麤末綿裹以乳汁浸之點眼良

治小兒眼爛皆痒痛淚出不能視物風傷則痛黃連膏方

黃連

去須參分

大銅錢

文柒

白礬

燒分

右三味以水并白蜜各三合用銅器盛於飯上炊一次綿濾去滓貯瓷合內點眼

治小兒眼赤痛不開洗眼生地黃湯方

生乾地黃貳兩

決明子

黃芩去黑心

竹葉各壹兩

芍藥半兩

右五味細剉以小二升煮五六沸去滓澄清洗眼一

日三次大人通用

治小兒赤眼黃蘗湯洗方

黃蘗去蘊皮剉

秦皮各壹兩剉

蕤人去皮半兩

右三味麤搗篩每用兩匙頭以水一碗入乾棗三枚

同法三五沸去滓適寒溫洗眼

治小兒目暴赤痛鉛丹方洗眼方

鉛丹壹兩再研

右一味用白沙蜜調如稀糊同人銀器內攪勻炒候

鉛丹紫色可丸卽丸如皂子大每用一九沸湯化乘

熱淋洗

治小兒目赤澀痛漸生翳膜昏暗大黃丸方

大黃剉

鬱金

人參

黃連去須各貳錢

右四味搗細爲末研鼠肝和丸如棗子大每服三丸

米泔下妳食後服量兒大小加減

小兒聾耳

百蟲入耳附

論曰腎氣通於耳心寄竅於耳疏通不窒則其聽為聰小兒心藏熱實貫衝耳脉開竅者寒結而為腫或生膿汁故謂之聾耳或因沐浴水入耳內停積不化亦為聾耳久不治則致聾聵

治小兒聾耳汁出不止礬石散方

白礬

熱令枯

龍骨

鉛丹

炒各半兩

麝香

竹蚰末

各壹分

右五味同搗研細先用綿杖子拭乾耳內以藥少許

糝之

治小兒聾耳出膿汁疼痛不可忍者竹蚰散方

竹蚰黃

壹兩

白礬

熱令枯半兩

雄黃

壹分

麝香

壹字

右四味同研勻細先用綿裹杖子拭乾耳中次以藥少許糝之

治小兒聾耳膿血塞耳赤石脂散方

赤石脂

白礬

熱令枯

黃連

去須

烏賊魚骨

去甲各壹分

右四味搗研為散每取少許綿裹塞耳中大人可用

一錢匕一方無赤石脂有龍骨

治小兒聾耳夜明沙散方

夜明沙

錢貳

麝香

壹字

右二味同研極細先以綿杖子拭去膿用藥半錢匕

糝入耳中

治小兒聾耳出膿螻蛄散方

桑螵蛸

須桑上者
微炙末之

右一味入麝香少許同研先用物拭膿淨然後糝藥

治小兒耳聾膿出久不差者紅白散方

白礬

熬令
汁枯

桑烟脂

右二味等分研爲細末先以綿杖子纏去膿極乾用藥半錢匕糝之不過三兩次

治小兒水入耳內膿出疼痛日夜不止如聖散方

箭筈內蚰末

如有蟲子同研
令細用參錢

膩粉

麝香

各壹錢研

右三味同研細先以綿杖子拭乾耳取藥三劑耳子深糝入耳以綿塞定如覺刺割卽是惡物要出去綿側耳令出甚者三度差大人亦可

治聾耳有膿水狼牙散方

狼牙

白欬

竹葉屑

右三味搗研細每用少許糝耳內

治聾耳膿水不絕馨脂散方

白礬熬令枯

松脂

木香

花烟脂各壹分

右四味搗羅爲散每用綿拭膿後滿耳填藥

治小兒聾耳汁方

黃連去須參分

龍骨燒研半兩

烏賊魚骨去甲壹分

右三味搗研爲末麻油調少許日三四度點耳中

治小兒聾耳汁出漬外生瘡雄黃散方

雄黃研壹兩

黃芩去黑心

會青研各半兩

右三味搗研爲散以少許糝外瘡更用綿裹一大豆

塞耳中日再換之

治小兒蚰蟻入耳胡麻枕耳方

胡麻不拘多少

右一味先熬後搗貯以葛囊枕之卽出

治小兒飛蟲入耳雄黃油方

雄黃壹分

右一味研細以麻油調抹耳中

治小兒蟲入耳桃心塞耳方

桃心葉貳柒葉焙 胡麻子壹升炒

右二味先以桃葉塞耳中其蟲必出如不出以胡麻子炒令香以葛袋盛枕頭耳中蟲自出

治蟻子入耳方

炙肉

右一味安在耳邊蟻子自出

又方

韭

右一味搗絞取汁滴耳中

又方

藍青

右一味搗絞取汁滴耳中

又方

葱

右一味取涎滴耳中